

■ CORS DI LENGHE

Tredis incuintris a Cjampfuarmit

Il Comun di Cjampfuarmit, in colaborazion cu la Societât filologjiche furlane, al organize un cors practic di lenghe e culture furlane.

Il cors, finanziât de Agenzie regionâl pe lenghe furlane, al è gratuit e al previôt tredis incuintris di dôs oris par volte. Lis lezions a saran une volte par setemane, des vot aes dis di sere di ogni miercus, li de sale dal centri polifunzionâl di Cjampfuarmit e il mestri dal cors al sarà **Fausto Zof**. Cui che al à voie di iscrivisi al pues contatâ la biblioteche comunâl clamant il numar 0432652083.

La scree dal cors e sarà miercus ai 21 di Zenâr aes vot e mieze di sere cuant che al sarà presentât il libri "Art e Glesie in Friûl" di **Luciano Verona**. A intervignaran **Gabriele Zanello**, il sindic **Monica Bertolini**, la assessore ae istruzion **Elisa Mariuz**, il president de Filolologjiche **Federico Vicario** e il fi dal autôr **Alessandro Verona**.

SCOLTADIS DI DRIUS**Miôr Bernacca**

Lis previsionis dal timp di bande dai espèrts e son une vore balarinis. Forsit al jere miôr Bernacca cuand ch'al profetave: "Se doman nol plûf al sarà sigûr biel timp".



Figure di no dismenteâ

Avocat, component de Costituente, ministri, il prin furlan dal Friûl republican, e sotsegretari de Republiche, pari de Regjon, che tai siei progjets e varès vût di jessi "Regjon Friûl", e vonde.

Dificil fâ il struc de figure di **Tiziano Tessitori**, ma sabide ai 17 di Zenâr a Sedean, dulà che al jere nassût ai 13 di Zenâr dal 1895 (mancjât a Udin, ai 19 di Avrîl dal 1973), l'Istitût ladin furlan 'pre Checo Placerean' lu ricuardarà dentri de rassegne 'Points', scomençant des 5 dopomisdî li de sale dal consei comunâl. Pe ocasion, dopo dai interventi istituzionâi, al vierzarà la serade cuntun ricuarter de figure dal senatôr furlan il gjornalist **Michele Meloni Tessitori**, nevôt di Tessitori.

Vie pe serade e sarà la presentazion de ristampe inzornade dal volum 'Autonomia per il Friuli 1945-1964. Scritti e discorsi di Tiziano Tessitori' de 'Golaine di Studis sul Autonomisim'.

IMPARÂ DAI PARIS

L'intervent al sarà di **Lozenzo Zanon**, president dal Istitût 'pre Checo Placerean' e za assessôr comunâl ae culture di Sedean che al à tignût



Tiziano Tessitori

i contats cu la famee Tessitori, cuant che tal 2003 al è stât donât l'archivi al Comun.

"Chest event al nas cun trê fina-


Par fevelâ di **Tiziano Tessitori**, un dai paris de regjon, e je stade inmaneade une serade indulà che e sarà presentade la ristampe di un libri a lui dedicat. » DI **CHRISTIAN ROMANINI**

litâts specifichis" nus spieghes Zanon "Prin di dut e je nestre volontât rilancjâ l'Archivi Tessitori, un patrimoni inestimabil par dut il Friûl. La seconde finalitât e je la presentazion de ristampe dedicate a Tessitori, un libri vignût fûr tal 2003 e che no si cjatave plui. Un moment di riflession une vore sintût di bande nestre e permetetmi di ringraziâ l'atuâl amministrazion comunâl di Sedean che si è dimostrade une vore sensibile. La Regjon e sta puartant indevant une riforme istituzionâl cence tignî cont de idee di Tessitori. Al bastarès imparâ dai paris de nestre regjon, par cjatâ lis soluzionis: za passe 70 agns indaûr al veve eleborât e scrit lis sôs ideis su la struture de Regjon che no a câs e veve clamâsi 'Friûl'. Cun spirt propositif o mandarìn a ducj i conseîr regionâi une copie di chest libri: in chei documents a son za lis rispuestis a tantis domandis che vuê la politiche si fâs".

L'event si sierarà cu la visite dal 'Archivi Tessitori' sot de vuide di **Gianfranco Ellero**, che al compagnarà i intervignûts tes salis dal Comun dulà che al è ospitat chest grant patrimoni.



ilfriuli@ilfriuli.it



"Due Muse nello spirito del Rinascimento"

Convegno sulla figura di **Dominico Bianchini**
Venerdì 23 gennaio 2015 ore 15.00

Castello di Spilimbergo - Palazzo Tadea

La fotografia musicale tramandataci dal Bianchini
prof. **Franco Fois**, coordinatore scientifico del progetto

Bianchini mosaicista e i mosaici della Basilica di San Marco in Venezia
arch. **Ettore Vio**, proto della Procuratoria di San Marco Basilica

La migrazione musicale nel '500
prof. **Franco Colussi**, musicologo

Iconografia musicale nel Rinascimento spilimberghese:
dal graduale del de' Cramariis a Pomponio Amalteo
prof. **Paolo Zerbinatti**, studioso e liutaio

Ufficio Cultura tel. 0427 40195 - cultura@comune.spilimbergo.pn.it - www.comune.spilimbergo.pn.it



Il progetto è finanziato dalla Regione Autonoma Friuli Venezia Giulia Bando Cultura 2014 in attuazione all'art.6 c.67 della L.R. 29/2013

Partners del progetto:



SCUOLA MOSAICISTI DEL FRIULI



Pro Spilimbergo



Comune di San Giorgio della Richinvelda



Comune di Vivaro



Ass. Musicale Bertrando d'Aquileia

